

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

TAMBUKO RONGTALATANI

Johan 2:13-17

GOLPO...



Jisu torom nokni sa-raona napbaaon aro manderangni jikjake bilding bildang ong-aniko nikon namen duk man-beaha. Pilakchin Ua boli on-ani matburunrangko donani nolrangkosan nikna man-aha aro palgiparangni songregiparangna chrike dam dakanikosa knana man-aha. Matburunrangni nolni seenganirang baksana damsan paroarangni, mes jakrangni, aro matchu bolotrangni mikoanirang sason ka-ani gri bilding bildang ong-ataniko man-aha.

Indakgipa bilding bildang ong-aniara Isolni miksongani ong-jachim. Jensalo Solomon Jerusalemo skanggipa torom nokko rikon, uano Isolni torom nokna namen mandera-ani dongachim, rikmiting somoio turi gam-anikomangba knajachim. Pilak ro-onrangko banobasa de-ne, uarangko torom nokni biapona ra-bae chimongesa donahachim (1 Rajarang 6:7).

Jisu mes jakrangko kagipa budurangko ra-chimongaha aro uarangko kachimonge chongipa betsimit tariaha. Uni ja-mano, Isolni Depante singgani ku-rang gita gam-e inwate aganaha: "Tanoniko iarungko

ra-angbo; angni Pagipani nokko badingani nok daknabel!"

Johan 2:16. "Sea gngang, 'Angni nokko bi-ani nok minggen, indiba na-simang uko dokprete ra-giparangni a-kolsa dakaha.'" Mati 21:13. Palram damsaoi damgipinona re-ange, Ua matburunrangko wate galataha aro tangka sregiparangni tebilrangko bikpilataha.

Bilaksranggipani mikkango uamang dongenga ine u-ie, badingchiwalgiparang kenjagoke torom nokni a-paloni janggalchina nipilgija katangtokaha. Jisu pilakna bate manderangko An-tangni salgini Pagipani ka-saani aro rongtalanu gimin rongtale ma-sianiko nangnikaha. Rongtalgipa torom nokko antidam ong-atahanian Uni ka-tongko be-ataha.

Bang-a bilsirangna skangan, Daniel katchinikgipa changgipin somoini gimin agansoaha jeona torom nok ongsiatako mangen, Isolni bebeko sretatgen, aro Uni manderangko ka-saninggija dake sinjetgen. Aro changsatai, Gitel An-tangni torom nokko rongtalatna re-bataigen.



PORAANI

Satroni podko poraie bangbangrango gapatbo.

- 1. Daniel aiao inmanpilgipa nikaniko nikaha jeon ua grong ge-gni chagipa mes bipako nikaha (Daniel 8:1-4). Sako ia mes bipara mesokaha?**

Daniel 8:20 *Nang-ni nikgipa grong ge-gni ganggipa meso bipa, uarang _____ aro _____ rajarang ong-a.*

- 2. Changgipino Daniel mikronrangni gisepo dal-gipa grong donggipa do-bok bipako nikaha. Ian maiko miksonga?**

Daniel 8:21, 22 *Aro merang gnanggipa do-bok bipara _____ raja ong-a. Uni mikronrangni gisepo dal-gipa grongara _____ raja ong-a. Aro ua be-gimin grongni pal ge-bri nataigipara, ua jatoni songnok _____ ong-katgen, indiba uni bilchi ong-ja.*

U-IE RA-ANI: Do-bok bipara Greece songnokko mesoka aro dal-gipa grongara skanggipa raja, Alexander the Greatko mesoka. Grong ge-brirangara Alexanderni siani ja-mano songnokko bak dake suale ra-gipa general sakbriko mesoka.

- 3. Indake grong ge-brini ge-sa grongoni chongipa grong nadobaaha. Ia “chongipa grongra” badia bilko mesoka?**

Watatarang 18:2 *Klaudius [Kaesar] pilak Jihudirangko _____ watchina ge-etahachim.*

U-IE RA-ANI: “Chongipa grong” ara Isolni manderangko ariksanalgipa, rongtalanirangko ga-belbelgipa, aro Jisuni kosako chakatgipa Romeko mesokaha-ian songsarek aro popeko mesoka. Romeara Greceni ja-mano ong-rikgipa bil ong-aha aro namen dal-beaha.

- 4. Daniel agananiko dakaha je ia chongipa grong torom nokko ong-siatgen. Rongtlatani kamko ka-aniara baditana ru-utgen?**

Daniel 8:14 _____ aro _____ attam aro pringrangona kingking; unon rongtalgipa biap namatako man-pilgen.

U-IE RA-ANI: 2,300 salrangani gimin Sastroo katchinike agananian, bakrobatsranggipa somoi ong-a, indiba Daniel 9:25 na skangde iani a-bachenganikode on-jaha.

5. Jensalo Daniel chongipa grongni bilchi Isolni manderangko sinjetgen aro bebeko mikandalatgen ine nikahaon, maikai ua iana aganchakaha?

Daniel 8:27 *Aro anga, Daniel, nom·bokaha aro adita salrangna kingking _____; ... anga ua nikanini gimin aiao inmanaha, indiba pilakba uko _____.*

U-IE RA-ANI: Daniel Isolni manderangni kosako maia re·banasia uni gimin u-ie namen duk ong·aha, nombokpilaha aro adita salrangna saahachim. Indiba a·bachengode Daniel ba uni ripengrangba 2,300-salrangni gimin nikaniko ma·sijaha.

6. Odhai gipino, sa·gre katchinikani gimin bang·bate talatdapaniko dakaha. Skanggipa nikanio talatgijagipa nikani somoiara baditana bakroachim?

Daniel 9:24 *Nikanirang aro katchinikanirangko mohor su·na, aro rongtalbatgipako ... nang·ni rongtalgipa songjinmani kosako _____ tik donmanaha.*

U-IE RA-ANI: Danielni 2,300 salrangni gimin nikani adita bilsirangni ja·mano, salgini sa·gre uko u·iatna uni sambaona ta·rake bilbaaha. Sa·gre nikani gimin talataniko dakanio anti 70 katchinikani antirangkoba man·gopataha jean Jihudirangna aro Jerusalem songjinmana “tik donmanaha. Isol An·tangni seokgiminrangna minggipin cholko chong·motan a·gilsakna Messiako mesoke on·anio chu·sokatna 490 bilsirangko on·aha (Daniel 9:23, 24).

7. Katchinike agananio 2300 salrang aro anti 70 ara basakoni a·bachengachim?

Daniel 9:25 *Uni gimin nibo aro ma·sibo _____ aro rikna ge·etani ong·katangaoni nonggiminona, chong·motan pamongona anti sni ong·gen; aro anti sotdokgnina aro dongge baksa, ua riktaiako man·gen.*

U-IE RA-ANI: Sa·gre Danielna 2300 salrang aro anti 70 ko channa a·bachenganiko Jerusalemko nampilatna aro rikna ge·etani bilsioni channa aganaha. Ia somoio Isolni manderang Persia songnokni jako rim·gittangako man·e dongengachim. Ia geetaniko Artzxerxes rajani sason kaani snigipa bilsio dakahachim, jean 464 B.C o sason ka·na a·bachengahachim (Ezra 7:7). 457 B.C bilsio Artaxerxesni ge·etanian Jerusalemko nampilatna aro rikpiltaina gita dingtangmancha somoiko kapani ong·aha.

8. Sa·gre aganaha je na·a anti 69ko 457 B.C. oni chanbaode, na·a Messia Rajaona re·bagen. Iara ong·ahama?

Watatarang 10:37, 38 *Je Johanni aganpraka baptize ka·ani ja·mano ... ua kattako na·simangan u·ia: chong·motan Nazarethoni Jisuko, maikai Isol uko Gisik Rongtalgipachi aro bilchi _____.*

LESSON 11

U-IE RA-ANI: Oe, ian ong-aha. Iano aiao inmanani donga. Bilsil ritcharangna skangan Jisu Gisik Rongtalgipachi to nongako man-aha, je somoikon katchinike seanio agansoahacchim! “Messia” ara Ibri katta ong-a, ian “to nonga,” ine miksonga ba Greek kattao “Kristo” baksa apsan ong-a. Luk 3:21, 22 o agana ia dingtangmanchagipa Gisik Rongtalgipachi to nonganiara Uni napbolani somoio ong-aha. Da-o iano u-iani chabi donga. Sastroni katchinike agananio, katchinikani salsara bilsila baksa apsan ong-a (Chanani.14:34; Ezekiel 4:6; Luk 13:32). 69 antirangko, ba 483 katchinikani salrang ($69 \times 7 = 483$) oni 457 B.C ona ong-aniara an-chingko A.D. 27 bilsiona ra-bara.


$$\begin{array}{r}
 483 \text{ bilsirang} \\
 + 457 \text{ somoini a-bachengani} \\
 \hline
 \text{A.D. 26} \\
 + 1 \text{ bilsiaara 1B.C. na - A.D. 1 (uano zero bilsil dongia)} \\
 \hline
 \text{A.D. 27}
 \end{array}$$

Jisu Messia ong-e An-tangni kamko Uni A.D 27 o napbolani ja-mano a-bachengaha, 483 bilsirangara tiktak 457 B.C. o ge-etaniko dakani ja-mano ong-aha, chong-motan “Sal chu-sokaha, aro Isolni songnok sepangaha.” Mark 1:15. Ua Daniel 9:25 o katchinike agangipa somoini gimim aganengachim.

9. Katchinikani kattao maia minggipin ong-na nangengachim?

Daniel 9:26, 27 *Aro ua sotdok gni antirangni ja-mano ua _____, aro uni pilakba ong-jawa; ... aro artisana ua bang-a baksa bilakgipa ku-monggrikaniko dakgen; aro antini _____ ua hom aro bolirangko bon-atgen.*

U-IE RA-ANI: Katchinike agananio minggipin agansoaniko dakaha je Jisu katchinike agananio anti 70ni bon-kamgipa antini bijatchio “den-sota” ba chisolo datkapako man-na nanggen. A.D. 27 o Uko to nongani bilsil gittam aro adha bilsioni chanbae agalmak kari A.D 31 ona an-chingko ra-anggen jeon Jisu chisolo datkapako man-aha. Uni siani somoio, torom nokni peng-gipa ba-ra kosakoni ka-maona chitgni grinatako man-aha (Mati 27:50, 51), jean Uni Isolni Mes Bi-sa ong-e sichakanichi, Jisuan hom boli on-aniko dontongataha ine mesokani ong-aha. Ka-sapae ka-mao mesokatenggipa sulsul ong-anggiminko nipiltanianiko dakko:



10. Jisu An-tangni sninggiparangko badia dolni manderangna skanggipa skiprakchina aganchengaha?

Mati 10:5, 6 *Na-simang gipin jatrangni ramachi da-reang ... indiba batesa _____ ma-chongni branggipa mesrangona re-angbo.*

U-IE RA-ANI: Jisu An-tangni sninggiparangko Jihudirangna skanggipa skiprakchengchina ge-etaaha, maina Messiako ra-chakna aro aganprakna uamangna on-gipa 490 bilsioniko bilsii gittam aro adhana cholrangko man-kuenga. Daniel 9:27 o katchinike aganani gitade Jisuan dal-gipa janggi jokataniko daksamsanio ku-monggrikaniko katchinike aganani antisana (bilsii snina) mangrakatgenchim. Indiba Jisuara Uni seokgimin jatna on-gimin bon-kamgipa antini bijatchio chisololo daktkapako man-aha, indide maikai Uara Uni siani ja-mano uamang baksa ku-monggrikaniko mangrakatna man-aha? Aganchakanikode Ibrirangna 2:3 o man-gen: "An-ching indigita jokaniko simsakjaenba maikai katange jokgen? Jeni a-bachenga Gitelni aganachi ong-enba knagiparangoni an-chingna mangrakaha." Jisuni sninggiparang Jihudirangna nama kattako parake A.D 34 o jegaljana kingking bon-kamgipa bilsii gittam adhana aganprakaha jensalo Stephen, saksa bebegipa deacon mande jinmani mikkango ro-ong gotate so-otako man-aha. ("The Floating Week," ingipa poraina on-dagpipako nibo)

11. Maidagipa mikrakataniko Jisu An-tangni seokgimin manderangna on-aha?

Mati 21:43 *Na-simangoniko Isolni songnokko _____, uoni bite nanggipa jatna on-gen.*

U-IE RA-ANI: Jisu namen rongtalbee talataniko dakaha manderang Messiako bilake jegalchaaniko dakode Jihudi jatna dingtangmanchagipa gadangko on-aniko ra-galgen.

12. Mati 21:43 o maia gipin jatni gimin Jisu aganaha, jean Uni seokgimin manderang ong-genchim?

Galatirangna 3:29 *Aro na-simang _____ ong-ode, indide na-simang Abrahamni bitchri, ku-rachaka gita man-rikgipaang ong-a.*

Romrangna 2:28, 29 *Maina parakaosa ong-gipa ua Jihudi ong-ja, ... indiba _____ ong-gipa uan _____ Jihudi ong-a.*


U-IE RA-ANI: A.D. 34 ni bilsio Stephenko ro-ong gotate so-otani jamano (Wat. 7:58, 59), Jihudi jat Isolni seokgimin jat ong-jaha. Maina uamang Isolni uamangna miksonganiko jegaljringaiaha, Israelni jat katchinike aganani bon-kamgipa somoio chanchianio mongsonggipa ong-jaha. Da-o pilak jerangan Jisuko ra-chakaha uaranga Uni seokgimin manderang ong-skaaha, aro je Isolni ku-rachakanirangko be-enni Israelna dakahachim uko da-o gisikni Israelrangnaba jakkalna man-aha (Romrangna 9:6-8).

LESSON 11

13. Sa-greni Daniel baksa agangrikahani gita, 2,300 bilsirangni bon-kamao mai ong-genchim?

Daniel 8:14 *Aro ua anгна aganaha, “Hajalgni aro ritshagittam attamrang aro pringrangona kingking; unon _____ namatako man-gen.”*

U·IE RA·ANI: A.D. 34 ni ja-mano 2,300 katchinikani salrangoni 1,810 bilsirang dongkuenga. (Ka-mao noksako nibo.) 1,810 bilsirangko A.D. 34 baksa chandimode an-chingko 1844 ona ra-baaha. Sagre aganaha je ua somoio salgini torom nok rongtalatako man-gen. (A-gilsakni torom nokko A.D 70 bilsio nisiataha.) Jisu, an-chingni salgjo kamal dal-gipa (Ibri. 4:14-16; 8:1-5), torom noko serike dongipa papko rongtalatna 1844 onin a-bachengengaha (Parape-a 20:12; Wat. 3:19-21). Ia skanggipa bichal ka-anikon Kristoni re-bana skang bichal ka-ani ine mingaha maina ian Jisuini gnigipa changna re-bapilna skangan ong-aha.



14. Sani kamrangko Kristoni re-bana skang bichal ka-aniko dakgen?

1 Pitor 4:17 *Bichal _____ ni _____ a-bachengna sal ong-aha.*

U·IE RA·ANI: Ia skanggipa bichal ka-aniara Isolni dedrangrang ong-a ine changiparangni kosako bichal ka-chenggen.

15. Maiko skanggipa bichal ka-anio sandianiko dakgen?

A. Parape-a 20:12 *Sigiminrang ua _____ segiminoni, kamtangtang gita, bichal ka-ako man-aha.*

B. Aganprakgipa 12:14 *Maina _____ mingantiko namoba namjaoba, _____ mingantikon, Isol bichalona ra-bagen..*

C. Jakob 2:12 _____ ni _____ bichal ka-ako man-nasigiparang gita.

U-IE RA-ANI: Bichal ka-anio sakkirang salgio rakkigipa ki-taprangoni re-bara, jeon mandeni janggi tangani gimin chu-gimikan donga. (Gitrang 56:8 koba nibo.) Ge-eta Mingchikkungan, Isolni niam ong-a, jeo pangchake Uni bichal ka-aniko dakgen (Parape-a 22:14).

16. Bichal ka-anio Isolan angko matnanggipa ong-genma?

Parape-a 12:9, 10 *Aro ua dal-gipa drakonko, chon-gmotan gitcamgipa chipu _____ aro Satan minggipa, a-gilsak gimikko brangatgipako ... a-aona galataha ... maina an-chingni jongadarangko matnanggipako, chong-motan sal wal an-chingni Isolni mikkango uamangko _____ galataha.*

U-IE RA-ANI: Ong-ja! Satansa nang-ko matnanggipa ong-a. Rasong gribeanichi mitam Kristianrang indake chanchianiko daka je bichal ka-ani somoio an-chingko niasatgija rakkichina Jisuara Pagipako didienga, indiba Jisude indine aganaha, “Pagipa An-tangan na-simangna ka-sara.” Johan 16:27.

17. Angara bichal ka-ani somoio saksan chadengna nanggenma?

A. *Jisuan an-chingna aganchakgipa ong-a (1 Johan 2:1).*

B. *Jisuan an-chingko bichal ka-gipa ong-a (Johan 5:22).*

C. *Jisuan an-chingni bebegipa aro sakki ong-a (Parape-a 3:14).*

U-IE RA-ANI: Mitela, ong-ja. Bichal ka-anio somoio, Jisuan Kristian mandeni ukil, bichal ka-gipa, aro sakki ong-a. Na-a Jisuna tangode, na-a gimana man-jawa (Rom. 8:1; Kolosirangna 1:12-14)!

NANG-NI AGANCHAKANI

Bichalni salo Jisuan nang-ni aganchakgipa ukil ong-ode, Ua nang-ni mamilako amna ku-rachaka. Da-alo na-a nang-ni janggiko Uona pil-atgenma?

AGANCHAKANI: _____

LESSON 11

PORAIDAPANI

Ia bak poraidapaniko dakna u-iatdapaniko on-a.

Balbogipa Anti

Mitam Sastroni chatrorang Danielo on-gipa 490 bilsini katchinike aganani bon-kamgipa antiko ra-galaniko daka (ba chong-motgipa sni bilsirangko) aro uko bon-kamani somoio ong-nasigipa Antichristni kamnasa aro bilsni sni duk ong-gninasa jakkalskara. Iako dakna uano mamungba Sasroni aganani dongja.

Hai an-ching adita chong-mot ong-anirangko nipilate nina:

- A. Daniel 9:2 o janapgimin Isolni manderangna bilsni 70na gipin a-songo dongna watatako man-aha gita, 490-bilsina katchinike agananiara ong-angkugipa somoi ong-aha.
- B. Katchinike aganano batanggimin bilsni snirangara Jisuni napbolaoni (A. D. 27) a-bachengaha. Iani giminsa Ua skiprakna a-bachengaha, “Sal chu-sokaha.” Mark 1:15.
- C. Agalmak karini A.D. 31 o, Uni chisolsako siani somoio, Jisu chrike inwataha, “Matchotjok.” Iano Jokatgipa Daniel 9 o janapgimin gita rongtalbee An-tangni siani gimin agansoaha. Uarangara:
 1. “Messia” “den-sotako” ba chisolo datkatpako man-gen (pod 26).
 2. Ua Isolni chong-motgipa Mes Bisa ong-e “hom aro bolirangko bon-atgen (pod 27; 1 Korinthirangna 5:7; 15:3).
 3. Ua “dosini gimin nangrimpilataniko” dakgen (pod 24).

Messia ong-e agansogimin gita Uni tiktak somoio re-bapilaniara 490 aro 2,300 bilsini katchinike agansoaniko gualani gri chu-sokgipa ong-aha ine sakkiko on-aha.